



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, broj: 54/18 – prečišćeni tekst i broj 17/20) i Prijedloga odluke Vlade Brčko distrikta BiH, broj: 05-000389/20, broj akta: 01.11-0566LO-009/20 od 11. 6. 2020. godine, Skupština Brčko distrikta BiH na 64. redovnoj sjednici održanoj 17. juna 2020. godine, donosi

ODLUKU

o pristupanju Sporazumu gradonačelnika za klimu i energiju i izradi akcionog plana za održivu energiju i borbu protiv klimatskih promjena

Član 1

Brčko distrikt BiH pristupa Sporazumu gradonačelnika za klimu i energiju, čime se obavezuje da će smanjiti emisiju CO₂ za najmanje 40% do 2030. godine u odnosu na baznu godinu i povećati otpornost na klimatske promjene na svojoj teritoriji.

Član 2

Brčko distrikt BiH prihvata načela i obaveze iz Sporazuma gradonačelnika za klimu i energiju.

Član 3

Ovom odlukom Skupština Brčko distrikta BiH daje ovlaštenje gradonačelniku za pristupanje i potpisivanje Sporazuma gradonačelnika za klimu i energiju.

Član 4

Ovom odlukom Skupština Brčko distrikta BiH pokreće proces izrade akcionog plana za održivu energiju i borbu protiv klimatskih promjena (SECAP) do 2030. godine.

Član 5

Akциони plan za održivu energiju i borbu protiv klimatskih promjena (SECAP) ima za cilj:

- da smanji emisije CO₂ (i, prema mogućnosti, drugih stakleničkih plinova) na području Brčko distrikta BiH za najmanje 40% do 2030. godine u odnosu na baznu godinu efikasnijom upotrebom energije i većom upotrebom obnovljivih izvora energije,
- da poveća otpornost Brčko distrikta BiH na posljedice klimatskih promjena,
- da podijeli viziju, rezultate, iskustvo i znanje iz procesa izrade i implementacije SECAP-a s drugim lokalnim i regionalnim tijelima u okviru Evropske unije i van nje putem direktne saradnje i razmjene, posebno u kontekstu Sporazuma gradonačelnika.

Član 6

Proces izrade akcionog plana za održivu energiju i borbu protiv klimatskih promjena Brčko distrikta BiH bit će zasnovan na principima održivog razvoja.

Član 7

S ciljem izrade akcionog plana za održivu energiju i borbu protiv klimatskih promjena gradonačelnik će imenovati koordinatora tima i članove tima kao operativno, izvršno i koordinaciono tijelo zaduženo za vođenje procesa izrade SECAP-a.

Član 8

Gradonačelnik Brčko distrikta BiH će imenovati savjetodavnu grupu za održivu energiju i borbu protiv klimatskih promjena koja će aktivno učestvovati u izradi SECAP-a.

Član 9

Po završetku izrade plana isti će se dostaviti Skupštini Brčko distrikta BiH na usvajanje.

Član 10

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-920/20

Brčko, 17. 6. 2020. godine

PREDSJEDNIK
SKUPŠTINE BRČKO DISTRIKTA BiH
Esed Kadrić

Dostavljeno:

1. Predsjedniku
2. Dopredsjedniku
3. Gradonačelniku
4. Kancelariji koordinатора Brčko distrikta BiH pri Vijeću ministara BiH
5. Sektoru za opće poslove i strateško planiranje
6. Arhivi